

## KROMĚ VRĚMENE PASHOVNAGO

Pop, hotej služiti Misu, oblčen v Plašć cvěta podobna Službě dnevněj, pristupit k Oltarju, i tu kleknuv sa služiteli na stepeni, primet ot Dijakona kropilo, i prvéje trikrat okropit Oltar, po tom sebe, i vskloň se služiteľa, počnet Pripěv Okropiši me. **A Hor posleđujet:** Gospodi, isopom, i proč., jako nizu. Među těm Pop služej okropit popi, po tom ljudi, glagoľe tihim gľasom sa služiteľema Psalam Pomiluj me, Bože.

VII.

O -kro- pi-ši me \*

Gospodi, isopom, i očišću se: omiješi me, i pače sněga uběľju se. **Ps. 50, 3** Pomiluj me, Bože, po velicěj milosti tvojej. **Ů.** Slava Otcu.

I povtorajet se Prip. Okropiši me.

Sa Pripěv těm obrazom glagoľet se na okropľenje vodoju blagoslovľenoju v Neděle črěz vse ľěto: razvě v Neděľju Muki, i Cvětnuju, kogda ne rečet se Slava Otcu, na po Ps. Pomiluj me **povtorajet se abje Prip.** Okropiši me.

Srvšivše Pripěv rečenim obrazom, Jerěj, iže okropi vodoju, vazvrać se k Oltaraju, stoje přěd stepeni Oltara stisk rucě, rci:

- Ů.** Javi nam, Gospodi, milost tvoju.
- Ř.** I spasenje tvoje daj nam.
- Ů.** Gospodi, usľiši molitav moju.
- Ř.** I vapaľ moj k tebě da pridet.
- Ů.** Gospod s vami.
- Ř.** I s duhom tvoim.


Pomolim se.

**Molitva**

**U**SLIŠI ni, Gospodi sveti, Otče vsemogi, věčni Bože: poslati izvolí svetago Anđela svojego s nebes; iže shrani, okrěpi, zastupi, posěti, i zašćiti vse přěbiva-jućeje v sem přěbivalisći. Hrstom Gospodem našim.  
**Ř.** Amen.

## VA VRĚME PASHOVNOJE

Pop, hotej služiti Misu, oblčen v Plašč cvěta podobna Službě dnevněj, pristupit k Oltarju, i tu kleknuv sa služiteli na stepeni, primet ot Dijakona kropilo, i prvěje trikrat okropit Oltar, po tom sebe, i vskloň se služiteje, počnet Pripěv Viděh vodu. A Hor poslědujet: ishodeću iz hrama i proč., jako nizu. Među tēm Pop služej okropit popi, po tom ljudi, glagoje tihim glasom sa služitejema Psalam Ispovědajte se Gospodevi.

VIII. 

V i-děh vo- du \*

ishodeću iz hrama ot strani desnoje, alleluja: i vsi k nímže pride voda si, spaseni biše, i rekut, alleluja, alleluja. **Ps. 117, 1** Ispovědajte se Gospodevi, jako blag: jako va věk milost jeho. **Ů.** Slava Otcu.

Paki Prip. Viděh vodu.

Srvšivše Pripěv řečenim obrazom, Jerěj, iže okropi vodoju, vazvrać se k Oltaraju, stoje přěd stepeni Oltara stisk rucě, rci:

- Ů.** Javi nam, Gospodi, milost tvoju. Alleluja
- Ř.** I spasenje tvoje daj nam. Alleluja
- Ů.** Gospodi, usliši molitav moju.
- Ř.** I vapaļ moj k tebě da pridet.
- Ů.** Gospod s vami.
- Ř.** I s duhom tvoim.

Pomolim se.

Molitva

**U**SLIŠI ni, Gospodi sveti, Otče vsemogi, věčni Bože: poslati izvoli svetago Angěla svojego s nebes; iže shrani, okrěpi, zastupi, posěti, i zaščiti vse přěbivajućeje v sem přěbivalisí. Hrstom Gospodem našim.

**Ř.** Amen.